

文淵閣

影印

四庫全書

影印

文淵閣四庫全書

第九〇六冊

北京出版集團公司
北京出版社

本册目次

册府元龜(五)

宋 王欽若等奉敕撰……一
楊億

欽定四庫全書

子部
冊府元龜卷二百十九

詳校官中書臣涂日煥

員外郎臣牛稔文覆勘

總校官庶吉士臣何思鈞

校對官學正臣李巖

膳錄監生臣于希賢

欽定四庫全書

冊府元龜卷二百十九

王欽若等撰

總序

夫餘分為閭既興夫居止之統主網失紐或有乎僭命

之號斯蓋豪傑崛起以著乎觀覲強弱相凌分據乎土

守雖政令之自出非運序之所繫自魏武徙氏羌之種

雜處秦州晉氏之興厥類彌熾固狗名臣之議失於長

世之御亂華之暴乘間而作故劉淵以五部之衆起於

欽定四庫全書

冊府元龜
卷二百十九

離石石勒因晉陽之甲據乎襄國厲階之構乃繇於此

而李特以流徙之繇奄宅益部而為蜀慕容廆因封建

之舊保界遼碣而為燕羣雄競起宇內分裂河西之區

張軌攸領因而稱制是稱前涼自此晉網絕絕紐中原震

蕩龜玉南徙遂荒江介其後符洪自薊州之廣川建三

晉之號入寇關輔居長安而為秦李嵩跨熒煌之地雄

西夏而稱西涼慕容垂守中山之國蹈兩河而為後燕

乞伏國仁憑河湟之奧而為西秦呂光按酒泉之富而為後涼姚萇乘符氏之業而為後秦馮跋踐昌黎之域而為北燕秃髮烏孤負西平之阻而號南涼慕容德依廣固之險而為南燕沮渠蒙遜保張掖而為北涼赫連勃勃連朔方而稱夏凡十有六國焉俱僭大號各建正朔或稱王爵並專誅賞傳世垂祚歷歲彌久而率多戎虜之種或出氐羌之類始愆制馭終以彊大分宰諸夏專制民命吞併相繼兵難不絕家國殊政百有餘年洎

欽定四庫全書

冊府元龜
卷二百十九

二

唐二蜀繼守其宇七閩之亂厥土三分顯德之世尚餘四國皇朝受命始平并絡旋殄五嶺後克江表三晉遺孽再駕而服混一區內以致太平今自西晉之後洎唐宋諸國論次其事類以為僭偽部凡三十七門

姓系
年號

姓系

欽定四庫全書

冊府元龜
卷二百十九

三

夫昨土命氏事存於魯史別生分類義載於虞書蓋所以辨族類而定嫌疑厚人倫而正宗祀也若夫桀黜之流乘時射利割據州壤負阻山河或保聚方隅或饕竊大號雖游魂假息寧亂紀於帝圖然瓜割豆分咸編名於博史源流所自祚裔攸存廣記備言既可徵於舊史洽聞殫見將有助於方來爰用討論咸從編次前涼張軌字士彥安定烏氏人漢常山景王耳十七世孫也家世孝廉以儒學顯父溫為太官令軌晉惠帝時為散騎常侍征西軍司馬永寧初出為護羌校尉涼州刺史愍帝時進位司空固讓又拜侍中太尉涼州牧西

平公軌又固辭在州十三年表立子寔為世子卒年六十謚曰武公州人推寔攝父位寔字安遜愍帝因下策書授持節都督涼州諸軍事西中郎將涼州刺史領護羌校尉西平公在位六年為帳下閹沙所害私謚曰昭公元帝賜謚曰元子駿年幼弟茂攝事州人推茂為大都督太尉涼州牧茂不從但授使持節平西將軍涼州牧在位五年卒私謚曰成茂無子寔子駿嗣位駿字公庭在位二十二年卒私謚曰文公穆帝追謚曰忠成公

欽定四庫全書

冊府元龜
卷二百十九

四

第二子重華嗣位自稱持節大都督太尉護羌校尉涼州牧西平公假涼王重華字泰臨在位十一年卒私謚曰昭公後改曰桓公穆帝賜謚曰敬烈子耀靈年十歲嗣事稱大司馬校尉刺史西平公在位一年為伯父祚所害私謚曰哀公祚字太伯自稱大都督大將軍涼州牧永和十年祚僭稱帝位篡立三年為其下張瓘等所殺立耀靈庶弟玄靚為大都督大將軍校尉涼州牧西平公玄靚字元安在位九年為駿少子天錫所害私謚

曰冲公孝武帝賜謚曰敬悼公天錫自號大將軍校尉涼州牧西平公在位十三年降於苻堅

自軌為涼州至天錫凡九世七年十六

西涼李暠字玄盛小字長生隴西成紀人漢前將軍廣之十六世孫也廣曾祖仲翔漢初為將軍討叛羌於素昌素昌即狄道也眾寡不敵死之仲翔子伯考奔喪因葬於狄道之東川遂家焉世為西州右姓高祖雍曾祖柔仕晉並歷位郡守祖弇仕張軌為武衛將軍家世亭

欽定四庫全書

冊府元龜
卷二百十九

五

侯父景幼有令名早卒遺腹生暠呂光末段業所署沙州刺史孟敏署暠效穀令敏卒護軍郭謙治中索僊等推玄盛為敦煌太守稱藩於業晉安帝隆安四年晉昌太守唐瑤推玄盛為大都督將軍涼公領秦涼二州牧護羌校尉在位十八年年六十四私謚曰武昭王子歆嗣歆字士業小字桐推在位四年為沮渠蒙遜所滅弟敦煌太守恂為郡人宋承等所推為涼州刺史二年又為蒙遜所滅

始暠以安帝隆安四年僭位凡三世二十四年

前趙劉淵字元海新興匈奴人冒頓之後也初漢高祖以宗女為公主以妻冒頓約為兄弟故其子孫遂冒姓劉氏後漢建武初烏珠留若鞮單于子右奧鞮日逐王比自立為南單于入居西河美稷今離石左國城即單于所徙庭也中平中單于羌渠使子於扶羅將兵助漢討平黃巾會羌渠為國人所殺於扶羅以其眾留漢自尊為單于屬董卓之亂寇掠太原河東屯於河內於扶羅死弟呼厨泉立以於扶羅子豹為左賢王即元海之

欽定四庫全書

冊府元龜
卷二百十九

六

父也魏武分其眾為五部以豹為左部帥其餘部帥皆以劉氏為之太康中改置都尉左部居太原涇氏右部居祁南部居蒲子北部居新興中部居大陵劉氏雖分居五部然皆家於晉陽汾澗之濱豹生元海晉惠帝時為成都王穎所拜北單于永興元年僭稱漢王永嘉二年僭即皇帝位在位六年偽諡光文皇帝太子和立和字玄泰嗣偽位為弟聰所害聰字玄明一名載元海第四子以永嘉四年僭即皇帝位在位九年偽諡曰昭武

皇帝子粲嗣偽位粲字士光在位一年為靳準所殺元海族子曜自長安赴難至於赤壁偽太保呼延宴等迎立之以大興元年僭即皇帝位曜字永明在位十年為石勒所殺

元海自懷帝永嘉四年僭位至曜三世凡二十有七年

後趙石勒字世龍初名匍上黨武鄉羯人也其先匈奴別部羌渠之胄祖和奕於父周昌朱一名乞翼加並為部落小率勒仕劉元海為平東大將軍封親漢王晉元帝大興二年偽稱趙王成帝咸和五年僭號趙天王行皇帝

欽定四庫全書

冊府元龜
卷二百十九

七

事尋僭即皇帝位在位十五年年六十子弘嗣偽位弘字大雅在位二年年二十二為勒從子虎所廢尋殺之虎字季龍稱居攝趙天王咸康三年僭稱大趙天王穆帝永和五年僭即皇帝位六年季龍死在位十五年子世立凡三十三日為兄遵所廢遵立一百八十三日為冉閔所殺立石鑒鑒在位一百三日為閔所殺

始勒以成帝咸

和三年僭立二主四子凡二十三年

閔字永曾小字棘奴季龍之養孫也

父瞻字弘武本姓冉名良魏郡內黃人也其先漢黎陽

騎都督累世牙門勒破陳午獲瞻時年十二命季龍子之驍猛多力攻戰無前歷位左積射將軍西華侯閔幼而果銳季龍撫之如孫永和六年殺石鑒自立僭位二年為慕容雋所滅

前燕慕容廆字奕雄琅瑯黎棘城鮮卑人也其先有熊氏之苗裔世居北夷邑於紫蒙之野號曰東胡其後與匈奴並盛控弦之士二十餘萬風俗官號與匈奴畧同秦漢之際為匈奴所敗分保鮮卑山因為號曾祖莫

欽定四庫全書

冊府元龜
卷二百十九

護跋魏初率其諸部入居遼西從宣帝伐公孫氏有功拜率義王始建國於棘城之北時燕代多冠步搖冠莫護跋見而好之乃斂髮襲冠諸部因呼之為步搖及後音訛遂為慕容或云慕二儀之德繼三光之容遂以慕容為氏祖木延左賢王父涉歸以全柳城之功進拜鮮卑單于遷邑於遼東北於是漸慕諸夏之風矣廆晉武帝太康中為鮮卑都督累轉遼東公持節都督幽州諸軍事車騎將軍平州牧大單于在位四十九年年六十

五成帝遣使者策贈大將軍開府儀同三司謚曰襄第三子皝嗣位皝字元真帝遣謁者拜征北大將軍平州刺史大單于遼東公咸康三年僭即天王位在位十五年五十二第二子雋立雋字宣英穆帝永和五年僭即燕王位八年僭即皇帝位在位十一年年四十二子暉嗣偽位暉字景茂在位十一年為苻堅所滅

帝太康六年稱公至
暉四世凡八十五年

始廆
以武

欽定四庫全書

冊府元龜
卷二百十九

九

裔為西戎酋長始其家池中蒲生長五丈五節如竹形時咸謂之蒲家因為氏焉父懷歸部落小帥洪仕石季龍累有戰功封西平郡公穆帝永和六年季龍死洪自稱大將軍大單于三秦王改姓苻氏是年洪死年六十六子健嗣位去秦王之號七年僭稱天王大單于八年僭即皇帝位健字建業在位四年年三十九子生嗣偽位生字長生在位二年年二十三為苻堅所殺堅字永固一名文玉洪季子雄之子也以升平元年僭稱大

秦天王在位二十七年年四十八孝武太元十年為姚
萇所滅堅庶長子丕僭即皇帝位於晉陽丕字永叙在
位二年為慕容永所敗堅族孫登以太元十一年僭即
皇帝位登字文高在位九年年五十二為姚興所滅

始健

以永和七年僭立至
登五世凡四十四年

後秦姚弋仲南安赤亭羌人也其先有虞氏之苗裔禹
封舜少子於西戎世為羌酋其後燒當雄於洮罕之間

七世孫填虞漢中元末寇擾西州為楊虛侯馬武所敗

欽定四庫全書

周府元龜
卷二百十九

十

徙出塞虞九世孫遷那率種人內附漢朝嘉之假冠軍
將軍西羌校尉歸順王處之於南安之赤亭那立孫柯
廻為魏鎮西將軍綏戎校尉西羌都督廻生弋仲仕石
季龍為征西大將軍封西平郡公晉穆帝永和七年遣
使降晉拜六夷大都督大單于封高陵郡公八年弋仲
卒子襄嗣襄字景國升平元年為苻堅所殺弟萇降堅
萇字景茂堅以為揚武將軍累遷龍驤將軍孝武太元
九年自稱大將軍大單于萬年秦王以太元十一年僭

即皇帝位在位八年年六十四長子興嗣自稱大將軍

明年僭即皇帝位興字子畧在位二十二年年五十一

長子泓嗣以義熙十一年僭即皇帝位泓字元子在位

二年年三十為晉所滅

始萇以孝武太元九年僭
立至泓三世凡三十三年

後蜀李特字玄休巴西宕渠人其先廩君之苗裔也昔

武落鍾離山崩有石穴二所其一赤如丹一黑如漆有

人出於赤穴者名曰務相姓巴氏有出於黑穴者凡四

姓曰暉氏樊氏栢氏鄭氏五姓俱出皆爭為神於是相

欽定四庫全書

周府元龜
卷二百十九

十一

與以劍刺穴屋能著者以為廩君四姓莫著而務相之
劍縣焉又以土為船彫畫之而浮水中曰若其船浮存
者以為廩君務相船又獨浮於是遂稱廩君乘其土船
將其徒卒當夷水而下至於鹽陽水神女子止廩君曰
此魚鹽所有地又廣大與君俱生可止無行廩君曰我
當為君求廩地不能止也鹽神夜從廩君宿旦輒去為飛
虫諸神皆從其飛蔽日晝昏廩君欲殺之不可別又不
知天地東西如此者十日廩君乃以青縷遺鹽神曰嬰

此即宜之與汝俱生弗宜將去汝鹽神受而嬰之廩君立碣石之上望膺有青縷者跪而射之中鹽神鹽神死羣神與俱飛者皆去天乃開朗廩君復乘土船下及夷城夷城石岸曲泉水亦曲廩君望如穴狀歎曰我新從穴中出今又入此奈何岸即為推廣三丈餘而階陞相乘廩君登之岸上有平石方一丈長五尺廩君休其上投策計筭皆著石焉因立城其旁而居之其後種類遂繁秦并天下以為黔中郡薄賦斂之口歲出錢四十巴

欽定四庫全書

蜀府元龜
卷二百十九

十三

人呼賦為賓因為賓人焉特父纂為東羌獵將特晉武帝元康中隨流人至蜀其後流人以特為主行鎮北大將軍惠帝大安元年自稱益州牧都督梁益二州諸軍事在位二年為晉益州刺史羅尚所殺特弟流自稱大將軍大都督益州牧流字元通年五十六死特子雄自稱大都督大將軍益州牧永興元年僭稱成都王又僭即帝位雄字仲雋在位三十年年六十一兄蕩之子班嗣偽位班字世文為李越所殺在位一年年四十七遂立

雄之子期字世運在位三年年二十五為李壽所廢自縊死壽字武考特弟驤之子在位五年年四十四長子勢嗣偽位勢字子仁在位五年為晉所滅始特以惠帝太安元年起

兵至勢六世
凡四十六年

後涼呂光字世明畧陽氏人也其先呂文和漢文帝初自沛避難徙焉世為酋豪父婆樓佐命苻堅官至太尉光仕苻堅為都督五門巴西諸軍事安西將軍西域校尉堅為姚萇所害光於是自稱使持節侍中中外大都

欽定四庫全書

蜀府元龜
卷二百十九

十三

督督隴右河西諸軍事大將軍領護匈奴中郎將涼州牧酒泉公晉孝武太元十五年僭即三河王位二十一年僭即天王位在位十年年六十嫡子紹嗣偽位為庶長子纂所殺纂字永緒僭即天王位在位三年為呂起所殺立光弟寶之子隆嗣偽位隆字永基為姚興所滅始光以孝武太元十二年定涼州十五年僭立至隆凡十有三載後燕慕容垂字道明前燕慕容皝之第五子慕容雋時封為吳王慕容暉為苻堅所滅垂在堅朝歷位京兆尹

堅敗垂引兵至滎陽以晉孝武太元八年自稱大將軍
大都督燕王在位十三年年七十一子寶嗣寶字道祐
在位三年年四十四子盛嗣盛字道運在位三年年二
十九垂少子熙嗣熙字道文在位六年年二十三為寶
養子雲所弑雲字子雨祖父高和句驪之支庶自云高
陽氏之苗裔故以為高氏焉始垂以孝武太元八年僭
立至熙四世凡二十四年
雲尋為幸臣離班姚仁所殺

欽定四庫全書

隋書
卷一百一十九

五

西秦乞伏國仁隴西鮮卑人也在昔有如弗斯出連叱
盧三部自漢北南出大陰山遇一巨蟲於路其狀若神
龜大如陵阜乃殺馬而祭之祝曰若善神也便開路惡
神也遂塞不通俄而不見乃有一小兒在馬時又有乞
伏部有老父無子者請養為子衆咸許之老父欣然自
以有所依憑字之曰紇干紇干者夏言依倚也年十歲
驍勇善射彎弓五百斤四部服其雄武推為統主號之
曰乞伏可汗託鐸莫何託鐸者言非神非人之稱也其
後有祐鄰者即國仁五世祖也晉武帝泰始初率戶五

欽定四庫全書

隋書
卷一百一十九

五

千遷於夏緣部衆稍盛鮮卑鹿結七萬餘落屯於高平
川與祐鄰迭相攻擊鹿結敗南奔畧陽祐鄰盡并其衆
因居高平川祐鄰死子結權立徙於牽屯結權死子利
那立擊鮮卑吐賴於烏樹山討尉遲渴權於大非川收
衆三萬餘落利那死弟祁瑒立祁瑒死利那子述延立
討鮮卑莫侯於苑川大破之降其衆二萬餘落因居
川以叔父軻瑒為師傅委以國政斯引烏瑒為左輔將
軍鎮蔡園川出連高胡為右輔將軍鎮至便川叱盧那
胡為率義將軍鎮牽屯山述延死子偃大寒立會石勒
滅劉曜懼而遷於麥田無孤山大寒死子司繁立始遷
於度堅山尋為符堅將王統所襲部衆叛降於統司繁
歎謂左右曰智不距敵德不撫衆劍騎未交而本根已
敗見衆分散勢亦難全若奔諸部必不我容吾將為呼
韓邪之計矣乃詣統降於堅堅悅署為南單于留之長
安以司繁叔父吐雷為勇士護軍撫其部衆俄而鮮卑
勃寒侵斥隴右堅以司繁為使持節都督討西胡諸軍

事鎮西將軍以討之勃寒懼而請降司繁遂鎮勇士川甚有威惠司繁卒國仁代鎮孝武太元十年自稱大都督大將軍大單于領秦涼二州牧在位四年弟乾歸嗣乾歸在位二十四年子熾磐嗣熾磐在位十五年子慕末嗣慕末在位四年為赫連定所殺始國仁以孝武太元十年僭位至慕末凡四世四十有六載而滅

北燕馮跋字文起長樂信都人也小字乞直伐其先畢萬之後也萬之子孫有食采馮鄉者因以氏焉永嘉之

欽定四庫全書

冊府元龜
卷二百十九

十六

亂跋祖父和避地上黨父安雄武有器量慕容永時為將軍永滅跋東徙和龍家於長谷跋為慕容雲所署使持節侍中都督中外諸軍事雲為其幸臣所殺跋乃僭稱天王位於昌黎在位二十二年弟弘立六年為後魏所滅始跋以孝武太元二十年僭立至弘凡二世二十八年

南涼秃髮烏孤西河鮮卑人也其先與後魏同出八世祖匹孤率其部自塞北遷於河西其地東至麥田牽屯西至濕羅南至澆河北接大漠匹孤卒子壽闐立初壽

聞之在孕母胡掖氏因寢而產於被中鮮卑謂被為秃髮因而氏焉壽闐卒孫樹機能立壯果多謀畧晉武帝

泰始中殺秦州刺史胡烈於萬斛堆殺涼州刺史蘇愉

於金山盡有涼州之地武帝為之旰食後為馬隆所敗

部下殺之以降弟務丸立死孫推斤立死子思復讎立

部眾稍盛烏孤即思復讎之子也安帝隆安元年自稱大

都督大將軍大單于西平王在位三年弟利鹿孤立徙

居西平利鹿孤在位三年弟儁擅嗣儁擅僭位涼王遷

欽定四庫全書

冊府元龜
卷二百十九

十七

於樂都在位十三年年五十一為乞伏熾磐所滅始烏孤以

安帝隆安元年僭立凡三世十有九年

南燕慕容德字玄明後燕慕容垂之弟垂稱燕王以德

為車騎大將軍垂死子寶嗣寶以德為丞相領冀州牧

承制南夏晉安帝隆安四年僭即皇帝位在位五年年

七十兄子超嗣超字祖明在位六年為晉所滅始德以安帝隆

安四年僭立至超二世凡十一年

北涼沮渠蒙遜臨松盧水胡人也其先世為匈奴左沮

渠遂以官為氏焉蒙遜仕段業為張掖太守晉安帝隆安五年梁中庸等推為使持節大都督大將軍涼州牧義熙八年僭立在偽位三十三年年六十六子茂虔立六年為後魏所擒

凡二世三十九載

夏赫連勃勃字屈子匈奴右賢王去卑之後劉元海之族也曾祖武劉聰世以宗室封樓煩公拜安北將軍監鮮卑諸軍事丁零中郎將雄據肆盧川為代王猗盧所敗遂出塞表祖豹子招集種落復為諸部之雄石季龍

欽定四庫全書

冊府元龜卷二百十九

十六

遣使就拜平北將軍左賢王丁零單于父衛辰入居塞內符堅以為西單于督攝河西諸虜屯於代來城及堅國亂遂有朔方之地控弦之士三萬八千後魏師伐之辰令其子力侯提拒戰為魏所敗魏人乘勝濟河剋代來執辰殺之勃勃乃奔於叱干部晉安帝義熙三年僭稱天王大單于自以匈奴夏后氏之苗裔也國稱大夏又下書曰朕之皇祖自北遷幽朔姓改如氏音殊中國故從母氏為劉子而從母之姓非禮也古人氏族無常

或以因生為氏或以王父之名朕將以義易之帝王者係天為子是為徽赫實與天連今改姓曰赫連氏庶協皇天之意永保無疆大慶係天之尊不可令支庶同之其非正統皆以鐵伐為氏庶朕宗族子孫剛銳如鐵皆堪伐人勃勃在位十三年子昌嗣偽位尋為後魏所擒弟定僭號於平涼遂為魏所滅

自勃勃至定凡二十有六載

欽定四庫全書

冊府元龜卷二百十九

九

將軍陷固始縣審知兄潮時為縣佐緒署為軍正蔡賊秦宗權以緒為光州刺史尋遣兵攻緒緒率眾渡江所在剽掠自南康轉至閩中入臨汀自稱刺史緒多疑忌為部將所殺唐僖宗光啟二年福建觀察使陳巖表潮為泉州刺史昭宗大順中巖卒子壻范暉自稱留後潮遣審知將兵攻之斬暉而降繇是盡有閩嶺五州之地潮即表其事昭宗因建威武軍於福州以潮為節度福建管内觀察使命審知為副乾寧中潮卒審知遂繼兄

位封琅邪郡王梁開平中封閩王後唐同光元年審知

卒子延翰嗣為弟延均所殺延均自稱帝國號大閩末

帝清泰二年遇弒子昶嗣昶遇弒審知少子延義嗣延

義遇弒兄延政自稱帝於建州晉開運三年為李景所

滅始王氏以唐光啟丙午歲據有閩越凡二世七主通六十年

前蜀王建字光圖陳州項城人也父慶里之豪右唐僖

宗光啟元年入蜀郡為壁州刺史率兵攻臨閬利二州

又攻臨成都昭宗龍紀元年授西川節度副大使知節

欽定四庫全書

蜀府元龜
卷二百十九

三

度事梁太祖開平二年建自帝於成都國稱大蜀在位

十二年年七十二子衍嗣衍字化源在位七年年二十

五為後唐所滅建自唐光啟初入蜀父子相承凡四十年

吳楊行密廬州人唐僖宗光啟初秦宗權擾淮右郡將

募能致戰擒賊者行密應募補為隊長因殺都將自權

州兵朝廷因正授廬州刺史大順二年畧有淮南之地

乾寧二年授淮南節度副大使知節度事封弘農郡王

哀帝天祐三年卒子渥襲其位自稱吳王在位三年為

大將張顥所殺別將徐溫殺顥立渥弟渭凡十餘年溫

乃冊渭為天子國號大吳渭僭號三年而卒溫乃推行

密幼子溥為主晉天福二年溥遜位溫養子李昇自唐大順

二年至晉天福二年凡四十七年

前漢劉陟其先彭城人祖安仁仕唐為潮州長史因家

嶺表父謙為廣州牙將以軍功拜封州刺史領賀水鎮

使謙卒子隱復領賀水鎮兼封州刺史唐末嶺南節度

使徐彥若薨表隱為兩使留後梁太祖為梁王時表隱

欽定四庫全書

蜀府元龜
卷二百十九

三

為嶺南節度使開平初累封南海王四年卒陟隱之弟

也代據其位梁末帝貞明二年僭號於廣州國號大漢

後改曰龔龔讀為儼古文無此字蓋妄撰也晉高祖天福七年卒年五

十四長子玠嗣玠在位一年陟第二子晟殺玠自立晟

周顯德五年卒長子鉉嗣皇朝開寶三年為王師所滅

始陟自梁貞明三年僭號歷三世四主凡五十五年

後蜀孟知祥字保裔邢州龍岡人也祖察父道世為郡

校伯父方立終於邢雖節度使從父遷位至澤潞節度

使知祥後唐莊宗同光三年授西川節度副大使知節

度事愍帝應順元年正月稱帝於蜀七月卒年六十一

其子昶襲偽位皇朝乾德三年為王師所平

知祥自後唐同光三

年入蜀父子相承凡四十年

後唐李昇本海州人偽吳大丞相徐溫之養子也溫字

敦美亦海州人初從淮南節度使楊行密起兵於廬州

漸至軍校唐末青州王師範為梁祖所攻乞師於淮南

楊行密發兵赴之溫時為小將亦預行其師次青之南

欽定四庫全書

冊府元龜卷二百十九

三

鄙師範已敗淮兵大掠而還昇時幼穉為溫所虜溫愛

其慧黠遂育為己子名曰知誥溫仕吳至大丞相都督

中外諸軍事諸道都統封東海王溫卒昇為中書令累

封齊王晉高祖天福二年楊溥遜位於昇國號大齊昇

自云唐玄宗第六子永王璘之裔天寶末安祿山連陷

兩京玄宗幸蜀詔璘為山南嶺南黔中江南四道節度

採訪等使璘至廣陵大募兵甲有窺圖江右之志後為

官軍所敗死於大庾嶺北故昇指以為遠祖因還姓李

氏始改名曰昇國號大唐昇僭位七年卒長子景嗣位

皇朝建隆二年卒子煜襲偽位開寶八年為王師所平

始昇以晉天福二年僭位凡三世三十九年

後漢劉崇太原人漢高之從弟也乾祐初為北京留守

周太祖廣順元年崇僭號於河東稱漢改名昀世宗顯

德二年卒子承均襲偽位承均卒子繼元嗣皇朝太平

興國四年為王師所平

年號

欽定四庫全書

冊府元龜卷二百十九

三

自晉氏失馭中原之主瞻烏逐鹿亂靡有定跡是北人

乘輿為天下倡屬而和之者十有六焉洎土運凌遲五

代喪亂跨州連郡僭竊相高咸建號紀年以備制度前

代策書悉載其事今之論次所以明其叛渙之迹為將

來之戒耳

前涼張軌晉永寧元年為涼州刺史都姑臧惠帝封西

平公自軌至耀靈六世稱晉建興年號至四十二年張

祚僭即帝位始改元和平祚為張璠所殺立軌子玄靚

張玄靚自號涼州牧西平公復稱建興四十三年至四

十九年始改元升平三年為張天錫所殺

張天錫自號涼州牧西平公請命於晉在偽位十三年

為苻堅所滅本傳無年號

西涼李暠字玄盛唐以暠為祖故載紀稱字晉安帝隆安四年晉昌

太守唐瑤推玄盛為大都督涼公領秦涼二州牧玄盛

乃赦其境內建元為唐子義熙元年改為建初在位十

八年唐子五年建初十三年子歆嗣

欽定四庫全書

唐府元龜卷二百十九

二十四

李歆字士業嗣位涼公領涼州牧改元嘉興在位四年

為沮渠蒙遜所滅歆弟恂為燉煌郡人所立本傳無年

號按帝王真偽記年號永建二年

前趙劉淵字元海唐高祖淵故載紀稱其字晉惠帝永興元年僭即

漢王位於左國城南郊赦其境內年號元熙永嘉二年

僭即皇帝位於蒲改元永鳳是年遷都平陽汾水中得

玉璽文曰有新保之蓋王莽時璽也得者因增泉海光

三字元海以為已瑞大赦境內改元河瑞元海在位六年

永嘉四年元海死子和嗣偽位為弟聰所殺無年號

劉聰僭即皇帝位大赦境內改元光興二年劉曜陷維

陽遷晉懷帝及惠帝羊后傳國六璽於平陽聰大赦改

元嘉平三年以太廟新成大赦境內改元建元三年改

元麟嘉聰在位九年永興元子粲嗣年聰死

劉粲既嗣偽位大赦境內改元漢昌在位一月為偽大

將軍錄尚書事靳準所殺準自號漢大王稱藩於晉

劉曜元海之族子以偽相國都督中外諸軍事鎮長安

欽定四庫全書

唐府元龜卷二百十九

二十五

靳準既殺劉粲曜自長安赴之至於赤壁偽太尉范隆

等上尊號僭即皇帝位晉太興元年大赦境內惟準一門不

在赦限改元光初曜在位十年而敗

後趙石勒晉大興二年偽稱趙王依春秋列國漢初侯

王每世稱元改稱趙王元年至十一年改元太和三年

僭即皇帝位大赦境內改元建平在位十五年太子弘

嗣

石弘既嗣位改元延熙晉咸和七年二年石勒從子李龍幽

之逼禪於季龍石虎字季龍

唐太祖諱虎故載記稱字

以晉咸康元

年廢石弘羣臣勸稱尊號季龍下書曰朕聞道合乾坤

者稱皇德協人神者稱帝皇帝之號非所敢聞但可稱

居攝趙天王以副天人之望於是赦其境內改元建武

至十四年僭即皇帝位於南郊大赦境內建元曰大寧

明年季龍死凡在位一十五年子世嗣

晉永和六年

石世在

偽位三十三日為兄遵所殺無年號

石遵在偽位一百八十三日為弟鑒所殺無年號

欽定四庫全書

晉府元龜卷二百十九

三六

石鑒在偽位一百三日為季龍養孫冉閔所殺年號青

龍

石祗聞鑒死僭尊號於襄國為冉閔所滅無年號

冉閔殺石鑒自立改國號大魏建元曰永興復姓冉氏

明年為慕容雋所滅

前燕慕容雋晉永和五年僭即燕王位依春秋列國故

事稱元年二年雋既尅冉閔蔣幹以傳國璽送於建鄴

雋欲神其事業言歷運在己乃詐云閔妻得之以獻賜

號曰奉璽君因以永和八年僭即皇帝位大赦境內建

元曰元璽其後雋太子暕死復立次子暕為皇太子赦

其境內改元曰光壽在位十一年

元璽五年光壽六年

雋死子暕

嗣

慕容暕晉升平四年僭即皇帝位大赦境內改元曰建

熙暕在位十一年以晉太和五年為符堅所滅

前秦符健晉永和七年僭稱天王大單于赦境內死罪

建元皇始明年健僭皇帝位於太極殿在位四年子生

欽定四庫全書

晉府元龜卷二百十九

三七

嗣

苻生僭皇帝位大赦境內改元壽光時晉永和十二年

也在位二年為從弟堅所殺

苻堅晉升平元年僭稱大秦天王赦其境內改元曰永

興後南遊霸陵大赦改元為甘露又改元為建元在位

三十年

永興三年甘露六年建元二十一年

晉太元十年為姚萇所殺

苻丕堅之長庶子也堅死丕僭即皇帝位於晉陽南立

堅行廟大赦境內改元曰太安明年為慕容永所殺

晉太